



BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

II. LEHIAKETAREN OINARRIAK:
AIARALDEKO LANDAGUNEAN JARDUERA
EKONOMIKOA BULTZATZEKO PROIEKTUAK



BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

AURKIBIDEA

- 1- DEIALDIAREN TESTUINGURUA ETA HELBURUA**
- 2- GAIA**
- 3- ONURADUNAK ETA AURKEZTUTAKO PROIEKTUAREN HAUTAGARRITASUN-BALDINTZAK**
- 4- BALORAZIO-IRIZPIDEAK ETA SARIAREN INTENTSITATEA NAHIZ ZENBATEKOA**
- 5- EBALUAZIO-BATZORDEA**
- 6- IZEN-EMATEA ETA EPEAK**
- 7- LEHIAKETAREN EBAZPENA ETA ERREKURTSOEN ARAUBIDEA**
- 8- KONTRATU ERATORRIA**
- 9- BATERAEZINTASUNAK**
- 10- BESTELAKOAK**
- 11- DATU PERTSONALEN BABESA**



BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

1.- DEIALDIAREN TESTUINGURUA ETA HELBURUA

HAZI FUNDAZIOAK berrikuntza irekiko prozesu bat jarri du abian, Aiaraldeko landagunean jardura ekonomikoa bultzatzeko proiektuen lehiaketa baten bidez. Ekimenaren helburua da eskualdean hazkuntza ekonomikoa eta enpleguaren sorrera bultzatzea. Ekimena Eusko Jaurlaritzak finantzatzen du, Aiaraldeko BJPren (Berehalako Jarduera Plana) esparruan, “A2 Dibertsifikazio Ekonomikoa: Nekazaritzako Elikagaien Sektorea” trakzio-proiektuaren barruan. Proiektuak ezartzen du, besteak beste, nahiz eta Aiaraldearen ezaugarrietako bat ehun fabrikatua izan, bereziki Arabako Audio eta Amurrio udalerrietan eta Bizkaiko lurraldeko udalerrri batzuetan, eskualdeak badaukala, halaber, populazio gutxiago duen eta lurralde zabalean sakabanatuago dagoen populazioa duen landa-azalera zabala, eta haren egitura ekonomikoan lehen sektoreak ekarpen handia egiten duela.

Gainera, ekimenak xede du inguruneak ematen dituen aukerak aprobetxatzea, merkatu-aukerak eta azpiegitura eskuragarriak nahiz zerbitzuak aintzat hartuta, batetik, landagunean jardura ekonomikoa hobetu eta sustatze aldera eta, bestetik, eskualdean balioa sortzeko.

Hona hemen, besteak beste, helburu estrategiko batzuk:

- Aiaraldeko lehen sektoreari eta elikagaien transformazio-industria txikiari balioa emango dioten proiektuak dinamizatzea.
- Landagunean nekazaritzatik kanpoko arloetan ekintzailatza, enpresen sorrera eta garapena bultzatzea (Leader eremua).

ESPARRUA

2020ko azaroaren 3an, EAeko Gobernu Kontseiluak BERPIZTU programa onetsi zuen, 2020-2024rako EAeko suspertze ekonomikorako eta enplegurako programa, EAEn suspertze ekonomikorako eta enplegurako funtsezko erronkei erantzun integrala emateko. Kontseilu Araupetzailleak 2021eko martxoaren 10ean Gizarte-egoera ahulean dauden eskualdeak edo lehentasunez jarduteko eremuak (LJE) berrindartzeko Plan berezia abian jartzea onetsi zuen, eskualde horiek eraldatzeko eta EAEn suspertze-eta eraldatze-prozesuan atzean gera ez daitezen lortzeko behin betiko sustapena emateko. Gizarte-egoera ahulean dauden eskualdeak edo lehentasunez jarduteko eremuak (LJE) berrindartzeko Plan bereziak, helburu horiek betetzeko, trakzio-proiektu batzuk egitea aurreikusten du; proiektu horiek eskualde bakoitzeko eragile ekonomikoek eta sozialek eta erakundeek erabakigarritasunez esku hartu duten parte hartzeko eta elkarlaneko prozesu batean zehaztuta daude. Honako eremu hauetan izango da aplikagarria: Aiaraldea, Ezkerraldea-Meatzaldea, Enkarterriak eta Oarsoaldea. 2021-2024 aldian gauzatuko diren inbertsio-jarduketa zehatzak sortuko ditu.

Testuinguru horretan, 2021eko azaroaren 25ean, Legebiltzarraren Ponentziaren txostena onetsi zen eta, ondorioz, Aiaraldeko 2022-2024rako BJP dokumentua egin zen, 2022ko martxoaren 1ean onetsi zena. BJP hori Eusko Jaurlaritzaren eta Arabako eta Bizkaiko foru-aldundien artean prestatu da, eta eskualdeko udalekin eta ekonomia-, gizarte- eta enpresa-eragileekin egiaztatuta.



BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

Aiaraldeko eskualdean Arabako Amurrio, Laudio, Aiara, Artziniega eta Okondo udalerrak daude, eta Bizkaiko Arrankudiaga, Arakaldo, Orozko eta Urduña.

BJPren esparruan, suspertze ekonomikoa eta industria-dibertsifikazioa dokumentuaren oinarri diren bost ardatzetako bat da, eta, ardatz horren barruan, trakzio-proiektuetako bat honako hau da: A2 Dibertsifikazio Ekonomikoa: Nekazaritzako Elikagaien Sektorea. Nekazaritzako Elikagaien Sektorea BJPk 8 trakzio-proiektu eta 33 jarduketa jasotzen ditu, ekimen hau, besteak beste.

Testuinguru honetan, Hazi Fundazioak berrikuntza irekiko prozesu bat jarri du abian, Aiaraldeko landagunean jarduera ekonomikoa bultzatzeko proiektuen lehiaketa baterako deialdiaren bidez.

Ekimena Eusko Jaurlaritzak – Berpiztuk (Nekazaritzako, Arrantzako eta Elikagai Politikako Sailburuordetza) finantzatuko du, eta 330.000 euroko aurrekontu-zuzkidura izango du.

2.- GAIA

Landagunean gauzatu behar diren proiektuen gaia honako hau da:

- A motako proiektuak:

Lehen sektoreari eta elikagaien transformazio-industria txikiari balioa emateko dinamizazio-proiektuak, baldin eta azken helburua eskualdean (Aiaraldea) jarduera ekonomikoa sortzea bada.

- B motako proiektuak:

Inbertsio-proiektuak (eta inbertsioari lotutako gastua) landagunean nekazaritzatik kanpoko arloetan ekintzailatza eta enpresen sorrera nahiz garapena bultzatzeko (Leader eremua).

B motako proiektuetako gastuek proiektu teknikoak egitearekin, obra-zuzendaritzarekin, eta abarrekin zerikusia izango dute. Ez dira langileen gastuak sartzen (A motako proiektuetan izan ezik).

3.- ONURADUNAK ETA AURKEZTUTAKO PROIEKTUAREN HAUTAGARRITASUN-BALDINTZAK

ONURADUNAK

Sustatzailea pertsona fisikoa edo pertsona juridikoa izan daiteke.

A motako proiektuetan, sustatzailea publikoa edo pribatua izan ahalko da. B motako proiektuetan sustatzailea pribatua izango da.



BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

Enpresa izanez gero, mikroenpresa edo enpresa txikia izango da. «Enpresatzat» joko da jarduera ekonomikoan aritzen den edozein erakunde, izaera juridikoa eta finantzaketa-modua gorabehera.

ETE-en kategorian, **mikroenpresa** 10 pertsona baino gutxiago lanean dituen enpresa da; horrez gain, urteko negozio-bolumena edo urteko balantze orokorrak ez ditu 2 milioi euro gainditzen.

ETE-en kategorian, **enpresa txikia** 50 pertsona baino gutxiago lanean dituen enpresa da; horrez gain, urteko negozio-bolumena edo urteko balantze orokorrak ez ditu 10 milioi euro gainditzen.

PROIEKTUAREN HAUTAGARRITASUN-BALDINTZAK - ESKAKIZUNAK

- Proiektua edo proiektuaren fasea ez dago hasita.
- Proiektuak honako batean kokatuko dira:
 - A motako proiektuak: Aiaraldea
 - B motako proiektuak: Leader landagunea (ikus erantsitako agiriak)
- Proiektuak jarduera ekonomiko bat bultzatu edo sortzen du.
- B motako proiektuetan proiektuak inbertsioa izango du hari lotuta.
- Egikaritze epea: 2024ko abendua (luza daiteke).

4.- BALORAZIO-IRIZPIDEAK ETA SARIAREN INTENTSITATEA NAHIZ ZENBATEKOA

Proposamen guztiak adituen batzordeak balioetsiko ditu, eta proiektu irabazleak hautatzeko honako irizpide hauek kontuan hartuko ditu:

BALORAZIO-IRIZPIDEAK

Puntuak zehazteko honako irizpide hauek balioetsiko dira, eta aurkeztutako dokumentazio guztia aintzat hartuta definituko dira.

Irizpideak erantsi diren agirien arabera balioetsiko dira.

Irizpide bakoitzari puntu zehatzak emango zaizkio. Hala, eskaera orok guztizko puntuak izango ditu, irizpide bakoitzean eman diren puntuak batu ostean.

Gehienez 250 puntu lortu ahal izango dira.

1. taula. Proiektuen balorazio-irizpideak

Irizpidea	Deskribapena	Puntuak
------------------	---------------------	----------------

BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

<p>Estrategikoa (0-30)</p>	<p>Lerrokatze estrategikoa: “Baserritik mahaira” estrategiarekin lerrokatzea</p>	<p>Ekimena “Baserritik mahaira” estrategiaren helburuekin lerrokatzen da. 30 puntu.</p>
<p>Berrikuntza (0-30)</p>	<p>Osagai berritzailea: Osagai berritzailearen deskribapena</p>	<p>Proiektuak berrikuntzaren bat du: 20 puntu.</p> <p>Proiektuak berrikuntzaren bat baino gehiago du: 10 puntu.</p>
<p>Egingarritasun teknikoa (0-20)</p>	<p>Talde sustatzailea: Proiektuaren partaideak deskribatzea eta tartean diren personen lanbide-esperientziari buruzko laburpena.</p> <p>Kronograma: Ekintzak, funtsezko datak eta amaiera-data dituen plana. Proiektuaren zer fasetan dagoen adierazi behar da.</p> <p>Baliabideak: Proiektua garatzea ziurtatzen duten erakundearen baliabideak.</p>	<p>Proiektuak behar bezala implementatzeko nahikoa <u>giza baliabide</u> ditu: 5 puntu.</p> <p><u>Kronograma</u> edo faseak behar bezala definituta daude eta proiektuaren deskribapenarekin bat datoz: 5 puntu.</p> <p>Proiektuak behar bezala implementatzeko nahikoa <u>bitarteko</u> <u>teknikoak</u> ditu: 5 puntu.</p> <p>Jardueren eta implementatzeko baliabideen artean koherentzia ageri da: 5 puntu.</p>
<p>Inpaktua (0 - 30)</p>	<p>Enplegua sortzea: Enplegua sortzeko estrategiaren deskribapena.</p>	<p>Proiektuak enplegua sortzen du: 10 puntu.</p> <p>Proiektuak eskualdean interes orokorra du: 20 puntu.</p>
<p>Aliantzak (0 - 20)</p>	<p>Aliantzak Balizko aliantzen definizioa.</p>	<p>Proiektua zenbait eragilerekin elkarlanean garatzen da: 20 puntu.</p>
<p>Sustatzailea / Taldea sustatzailea (0 - 60)</p>	<p>Prestakuntza eta esperientzia Proiektuaren taldea osatzen duten kideen deskribapena, haien prestakuntza eta esperientziarekin batera.</p> <p>Pertsona sustatzailea:</p>	<p>Sustatzaileak prestakuntza du: 15 puntu.</p> <p>Sustatzaileak esperientzia du: 15 puntu.</p> <p>Taldean gutxienez emakume bat dago: 10 puntu.</p> <p>Gutxienez talde sustatzailearen erdia nagusiki nekazariak dira: 20 puntu.</p>



BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

	Pertsona sustatzailearen deskribapena.	
Negozio-plana – Kudeaketa-plana (0 - 60)		Negozio-planean/kudeaketa-planean aurkeztutako elementuak erlazionatuta eta zehaztuta daude, eta elkarren artean lotuta eta bateratuta ageri dira: 60 puntu.

SARIAREN INTENTSITATEA ETA ZENBATEKOA

Laguntza eskuratzeko gutxienez **125 puntu** lortu beharko dira.

A motako proiektuetarako:

Aurrekontuko zuzkidura 100.000 eurokoa da.

Proiektuek aurkeztutako proiektuaren zenbatekoaren % 70 jasoko dute, gehienez, 30.000 eurora arte.

Esleitutako funtsak bukatzen ez badira, HAZIk soberako funtsak B motako proiektuen ildora pasatzeko eskubidea gordetzen du.

B motako proiektuetarako:

Aurrekontuko zuzkidura 230.000 eurokoa da.

175 eta 250 puntu artean lortzen dituzten proiektuek aurkeztutako proiektuari dagokion zenbatekoaren % 60 jasoko dute, gehienez 50.000 eurora arte.

125 eta 174 puntu artean lortzen dituzten proiektuek aurkeztutako proiektuari dagokion zenbatekoaren % 40 jasoko dute, gehienez 50.000 eurora arte.

Funtsak bukatzen ez badira, proiektu bakoitzari aurretik emandako zenbatekoaren gainean % 10 gehituko da puntuen hurrenkerari erreparatuz, hasierako gehieneko laguntza (50.000 euro) eskuratu duten proiektuak barne. Hala egingo da funtsak bukatu arte.

5.- EBALUAZIO-BATZORDEA

Proposamenak diziplina anitzeko taldeak ebaluatuko ditu, eta honako kide hauek osatuko dute:

- HAZIk izendatutako pertsona bat
- Zabaia Landa Garapeneko Agentziako (LGA) ordezkari bat
- Gorbeialdea Landa Garapeneko Agentziako (LGA) ordezkari bat



BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

Ebaluazio-batzordeak lehiaketa hutsik utzi ahalko du, baldin eta ez badu proposamenik egokitzat jotzen gutxieneko puntuetara ez delako iritsi.

Ebaluazio-batzordeak erabakiak gehiengo osoz hartuko ditu eta organo eskudunari (FUNDACIÓN HAZI – HAZI FUNDAZIOA) emateko edo ezesteko proposamen gisa iritsiko zaizkio.

6.- IZEN-EMATEA ETA EPEAK

HAZIren webgunean (www.hazi.eus) proposamenak aurkezteko behar den informazio guztia eskuratu daiteke: lehiaketaren oinarriak eta proiektuetarako bete behar diren txantiloiak. Eskabidea eta memoria honako helbide elektroniko honetara bidali beharko da: aiaraldea_rural@hazi.eus. Proposamen guztiak PDF agirietan aurkeztuko dira.

Lehiaketa 2023ko azaroaren 15etik abenduaren 15era egongo da irekita, biak barne.

Erantsitako agiri guztiak behar bezala beteko dira.

Edozein zalantza honako helbide elektroniko honetan argitu daiteke: aiaraldea_rural@hazi.eus

Eskaera aurkeztuz gero, oinarri hauetan adierazten diren baldintzak eta betekizunak berariaz eta formalki onartzen dira.

Partaideek azaltzen dute oinarrietako baldintzak ezagutu eta onartzen dituztela; beraz, ezingo dituzte aurkaratu proposamenak eta datu pertsonalak bidali direnean.

7.- LEHIAKETAREN EBAZPENA ETA ERREKURTSOEN ARAUBIDEA

Emaitzak HAZIren webgunean argitaratuko dira 2023ko abenduaren 19tik 2024ko otsailaren 29ra bitartean.

BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

8.- KONTRATU ERATORRIA

Lehiaketa ebazten denean, proiektuak garatzeko kontratua sinatuko da. Aldi berean, sustatzaileak honako hauek egiaztatu beharko ditu:

- Jarduera nagusizat nekazaritza duen nekazaria (JNN)
- Identifikazio fiskalaren kodeari dagokion ziurtagiria (IFK) / (IFZ)

Alderdien arteko (onuraduna eta HAZI) kontratuan, besteak beste, zuzkidura onartzearen eraginak bilduko dira:

1. Proiektua gauzatzeko esleipen ekonomikoa onartzea.
2. Proiektua aurkeztutako proposamenarekin bat inplementatzea.
3. Erakundeek zehaztutako epean proposamena egin izanaren ebidentzia eta proiektuari dagozkion gastuen justifikazioa aurkeztea.
4. Proposamena gauzaten ez bada, esleipen ekonomikoaren zenbatekoa itzultzea.
5. Esleitutako zenbatekoa oso-osorik erabili ez bada, erabili ez den zenbatekoa itzuli beharko da.

Proiektuetarako laguntza ekonomikoa emate aldera, kontratua sinatzean abala edo kauzio-asegurua aurkeztu beharko da adjudikatutako sariaren % 50eko zenbatekoan (gastu hori gastu finantzagarrria izango da).

Kontratua sinatzen denean zuzkiduraren % 50 entregatuko da eta beste % 50a, proiektua amaitu eta justifikazioa aurkeztutakoan.

9- BATERAEZINTASUNAK

Ezingo dute proposamena aurkeztu, ezta adjudikaziodun izan ere, honako inguruabarren batean murgilduta dauden pertsonak edo erakundeak:

- a) Epai irmoaren bidez dirulaguntzak edo laguntza publikoak lortzeko aukera ez izatearekin kondenatuak ala prebarikazio, eroskeria, ondasun publikoak bidegabe eralgitze, eragimen-trafiko, iruzur eta legez kanpo ordainaraztearen delituak edo hirigintza-delituak direla eta kondenatutakoak.
- b) Borondatezko konkurtsoaren aitortzea eskatu izana; edozein prozeduratan kaudimengabetzat jo izana; konkurtsoan aitortzea, hitzarmena eraginkorra denean izan ezik; esku-hartze judizialaren mende egotea edo Konkurtsoen uztailaren 9ko 22/2003 Legearen arabera desgaitzea, konkurtsoaren kalifikazio-epaian finkatuta

BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

desgaitze-aldia amaitu gabe.

- c) Administrazioarekin egindako edozein kontratu suntsiarazteko erabaki irmoa hartu izana, erruduntzat hartzeko ebazpena dela eta.
- d) Pertsona fisikoa, merkataritza-sozietateen administratzaileak edo beste pertsona juridiko batzuen legezko ordezkariak dutenak Estatuko Administrazio Orokorreko Goi-kargudunen martxoaren 30eko 3/2015 Legeak, Administrazio Publikoen zerbitzura diharduten langileen bateraezintasunei buruzko abenduaren 26ko 53/1984 Legeak ezarritako kasuren batean egotea edo Hauteskunde Araubide Orokorraren ekainaren 19ko 5/1985 Lege Organikoak arautzen duen edozein kargu hautesle izatea, legean bertan ala arlo horietako araudi autonomikoan xedatzen diren baldintzetan.
- e) Indarrean diren xedapenek ezartzen dituzten zerga-betebeharrak edo Gizarte Segurantzakoak egunean ez izatea, arauz xedatutako moduan.
- f) Egoitza fiskala erregelamendu bidez paradisu fiskal gisa sailkatutako lurralde edo herrian izatea.
- g) Ebazpen irmoaren bidez Dirulaguntzei buruzko azaroaren 17ko 38/2003 Legearen edo hala zehazten duten beste lege batzuen arabera dirulaguntzak lortzeko aukera galtzearekin zehatu izana.
- h) Dirulaguntzei buruzko azaroaren 17ko 38/2003 Lege Orokorraren 11.3 artikuluko bigarren paragrafoan aurrez ikusitako elkarteak izatea, edozein kidek lehen aipatu den debekuren bat badu.
- i) Elkartzeko eskubidea arautzen duen martxoaren 22ko 1/2002 Lege Organikoaren 4. artikulua 5. eta 6. ataletan aurreikusitako debeku arrazoiren baten baitan dauden elkarteak izatea.
- j) 1/2002 Lege Organikoaren 30.4 artikulua ezartzen duena aplikatuz, ez-zilegitasun penalaren aztarna arrazionalak dituzten elkarteak izatea, elkartearen aldeko ebazpenik ez dagoen bitartean.
- k) Kontratatzeko debekuak izatea, Sektore Publikoko Kontratuei buruzko azaroaren 8ko 9/2017 Legearen arabera.

Halaber, enpresek ezingo dute lehiaketan parte hartu, zuzentzen duten pertsonak edo beste inguruabar batzuk kontuan hartuta, eraldatu, bat-egite edo oinordetzaren ondorioz ustez halako egoeraren batean dauden beste enpresa batzuen jarraipen bat edo haietatik eratorriak direla ondorioztatzen bada.

BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

10.- BESTELAKOAK

- Erakunde deitzaileak oinarri hauen aldaketa, interpretazio eta ondoreei buruz sortzen diren gaiak ebaztziko ditu.
- Lehiaketa honetako partaideek, oro har, lehiaketa dela eta eskuratzen duten informazioaren konfidentziasuna errespetatuko dute.
- Oinarri hauek aplikatzean jasotzen diren datu pertsonalak Datu Pertsonalak Babestu eta Eskubide Digitalak Bermatzeko abenduaren 5eko 3/2018 Lege Organikoan eta aplikazioko gainerako araudian ezarritakoaren arabera tratatuko dira.
- Lan guztien gaineko jabetza intelektualaren eskubideak egileei dagozkie. Hala eta guztiz ere, egile sarituek erakunde deitzaileari lagako dizkiote erakustearen, erreproduzitzearen, argitaratzearen eskubide guztiak, indarreko jabetza intelektualari buruzko legediarekin bat etorritik, betiere industria-sekretupean ez badaude.

Ideietatik/proiektuetatik sortzen diren eskubide babesgarriak kontratu eratorrian edo berriazko kontratuetan negoziatuko dira, proiektu bakoitzaren izaera, ezaugarriak eta/edo beharrak kontuan hartuta.

11.- DATU PERTSONALEN BABESA

Prozesu hau dela eta kudeatzen diren datu pertsonalak “Aiaraldeko nekazaritzaren eta abeltzaintzaren sektorearen, nekazaritzako elikagaien industriaren eta landagunearen dinamizazio-jarduerak” izeneko tratamenduan sartuko dira, eta arduraduna HAZI Fundazioa da (IFK: G-48986137; egoitza soziala: Arkauteko (Araba) Abeletxea zk.g., 01192).

Tratamenduaren helburua da Aiaraldeko nekazaritzaren eta abeltzaintzaren sektorea, nekazaritzako elikagaien industria eta landagunea dinamizatzeko ideiak eta proiektuak azaltzen dituzten lehiaketak kudeatzea.

Datuen tratamendu honen oinarri legitimatzailea da Datuak Babesteko Europako Erregelamendu Orokorraren 6.1.e) artikuluan babestutako jarduerak egiteko Hazi fundazioaren botere publikoak baliatzea da, zeinak haren estatutuetan oinarritzen baitira. Era berean, eta gaikuntza ematen duen lege-oinarri beraren babesean, Fundazioaren jardueraren zabalkunde-informazioa bidali ahalko da.

Datuak gaian eskumena duten kontroleko autonomia- eta toki-mailako erakunde eta agintaritzei laga ahalko zaizkie.

Datu pertsonalak lehiaketa garatu bitartean gordeko dira eta hura amaitu arte; ondoren, blokeatu egingo dira, aplikagarri den araudi bereziak ezartzen dituen preskripzio-aldiez, bai eta kudeaketa orokorraren eta, zehazki, datu pertsonalei buruzkoaren ondoriozko erantzukizunen eskakizunari buruzko preskripzio-aldiez ere.

Interesdunek beren datu pertsonalak eskuratzeko eskubidea dute, eta zehatzak ez diren datu pertsonalak zuzentzeko eska dezakete edo, hala badagokio, haiek ezabatzeko, besteak beste, bildu zireneko helbururako beharrezkoak ez direnean. Era berean, emandako baimena atzera



BJP Aiaraldea 2022-2024 - Trakzio Proiektua A2 Dibertsifikazio Ekonomikoa: Nekazaritzako Elikagaien Sektorea

PAI Aiaraldea 2022-2024 – Proyecto Tractor A2 Diversificación Económica: Sector Agroalimentario

botatzeko eskubidea dute, bai eta haien datuen tratamendua mugatzeko ere; kasu horretan, erreklamazioak egiteko edo defendatzeko baino ez dira gordeko.

Interesdunak eskubideak baliatzeko eskabidea aurretik aipatuta HAZI Fundazioaren posta-helbidera edo posta elektronikora bidali ahalko du; horretarako inprimaki bat dago eskuragarri erakundearen webgunean.

Interesdunak bere eskubideak baliatzeko mezu elektronikoa bat bidali ahalko du lopd@hazi.eus helbidera. Halaber, erreklamazio bat aurkeztu diezaioke Datuak Babesteko Espainiako Agentziari, bereziki haren eskubideak baliatzeko prozesua gogobetegarria izan ez denean, www.aepd.es orrialdean ageri den posta-helbidean eta/edo elektronikoan. Erreklamazio bat aurkez diezaioke Datuak Babesteko Euskal Agentziari, bereziki haren eskubideak baliatzeko prozesua gogobetegarria izan ez denean, dagokion webgunean orrialdean ageri den posta-helbidean eta/edo elektronikoan.

Datuak konfidentziasunez tratatuko dira eta segurtasunerako neurri tekniko eta antolamendu-neurri egokiak hartuko dira, haiek baimenik gabe aldatu, galdu, tratatu edo atzitu ez daitezten. Ezarritako segurtasuneko eta antolamenduko neurriak eta neurri teknikoak Administrazio Elektronikoaren eremuan Segurtasuneko Eskema Nazionala arautzen duen urtarilaren 8ko 3/2010 Errege Dekretuan aurreikusitakoekin bat datoz.